


經律異相

牙四十三

四百四十四
啓三

51129



經律異相卷第四十三

梁沙門僧旻寶唱等集

啓

估客部

波利得海神瓔珞上王王及夫人共以

獻佛一

善求惡求採寶經飢樹出所須二

師子有智免羅刹女三

弥蓮持齋得樂踏母燒頭四

弟納兄妻後悔為道兄射殺弟矢及自

害五

薩薄燃臂濟諸估客六

薩薄欲買無五戒羅刹不能侵七



商人共醵生子子皆得道八

衆賈飢渴天人指開降八味水九

高人驅牛以贖龍女得金奉親十

估客為羅刹所縛十一

賈客採宝救將死人十二

二賈客採宝貪者沒命廉者安全十三

賈人害侶獨取珍宝大哀殺此凶人十四

五百賈客人值摩竭魚稱佛獲免十五

賈人為友逼飲酒犯戒父母擯出遠國

尚為鬼所畏十六

波利得海神瓔珞上王王及夫人共以獻佛一
昔有賈客名曰波祇與五百人入海求宝時

海神出掬水河波利言海水為多掬水為多
波利答言掬水為多所以者何海水雖多每
益時用不能救彼飢渴之人掬水雖少值彼
渴者持用與之以濟其命世世受福不可訾
計海神歡喜讚言善哉即脫身上八種香瓔
校以七宝以與波利海神送之安往善還到

舍衛國持此香瓔上波斯匿王具陳所由願
蒙納受王得香瓔以為奇異即呼諸夫人羅
列前任若最好者以香瓔與之六萬夫人盡
嚴來出王問末利夫人何以不出侍人答言
今十五日持佛法齋素服不嚴是以不出王
便瞋恚遣人呼曰如今持齋應違王命如是

海神出掬水河波利言海水為多掬水為多
波利答言掬水為多所以者何海水雖多每
益時用不能救彼飢渴之人掬水雖少值彼
渴者持用與之以濟其命世世受福不可訾
計海神歡喜讚言善哉即脫身上八種香瓔
校以七宝以與波利海神送之安往善還到

舍衛國持此香瓔上波斯匿王具陳所由願
蒙納受王得香瓔以為奇異即呼諸夫人羅
列前任若最好者以香瓔與之六萬夫人盡
嚴來出王問末利夫人何以不出侍人答言
今十五日持佛法齋素服不嚴是以不出王
便瞋恚遣人呼曰如今持齋應違王命如是

三及末利夫人素服而出在衆人中明如日月倍好於常王意竦然加敬問曰有何道德炳然有異夫人白王自念少福稟斯女形情態垢穢日夜山積人命促短懼墮三塗是以月月奉佛法齋割愛從道世世蒙福王聞歡喜便以香瓔與之末利夫人答言我今持齋不應著此可與餘人王曰我本發意欲與勝者卿今最勝又奉法齋道志殊高是以相與若卿不受吾將安置夫人答言大王勿憂願王屈意共到佛所以此香瓔奉上世尊并采聖訓累劫之福矣王即許焉即勅嚴駕往至佛所稽首于地却就王位王白佛言海神香

瓔波利所上六萬夫人莫不貪得末利夫人
與而不取持佛法齋心無貪欲謹以上佛願
垂受納世尊弟子執心難壞直信如此豈有
福乎唯願世尊為受香瓔佛說偈言

多作寶華結步搖綺廣積德香所生轉好
竒草芳華不逆風熏近道聞教德人遍香

雖曰是真不如戒香

出法句譬喻
經第二卷

善求惡求采寶經飢樹出所須二

往昔閻浮有國名波羅捺時有薩薄名摩阿
夜移其婦懷妊自然仁善意性柔和月滿生
男形體端正父母愛念施設美饌延請親戚
并諸相師共相娛樂抱兒示眾為其立字相

師問言此兒受胎有何瑞應父言受胎母自和善相師爲名善求乳哺長大好好積諸德慈愍衆生次後懷妊期滿生男形體醜陋相師問言此兒懷妊有何感應答言懷兒母自弊惡相師立名曰惡求乳哺長大好爲惡事恒生貪心懷嫉妬意年各長大共行入海求索寶物各有五百侍從塗路懸遠中道乏糧經於七日去死不遠是時善求及諸賈人咸共誠心禱諸神祇欲濟飢險於空澤中遙見一樹枝條鬱茂便即趣之有一泉水善求及衆悉共求哀樹神現身語之斫去一枝所須當出諸人歡喜便斫一枝美飲流出斫第二枝

種種食出百味具足咸共承接各得飽滿斫
第三枝出諸妙衣種種備具斫第四枝種種
寶物悉皆具足裝馱悉滿所須盡辦惡求後
到衆人如前盡得充足便自念言今此樹枝
能出是種種好物況復其根今當伐之足得
極妙佳好之物令人伐之善求語惡求言我
等飢乏蒙此樹恩得濟餘命云何而欲伐之
惡求即掘其根善求感佩不忍見之領衆歸
家伐樹已竟有五百羅刹取此惡求及衆賈
人悉皆散之財物喪失佛告阿難善求者今
我身是父者今淨飯王是母者今摩耶是惡
求者提婆達多是我於往昔常與相值恒教

善法而不用之反更以我爲怨

出賢愚經第九卷

師子有智免羅刹女三

閻浮利地有衆多賈客共相率合入海採寶
正值洄波惡風吹壞大船復有諸人乘弊壞
船隨風流迸墮羅刹界羅刹女輩顏白端正前
迎賈客云此間多寶明珠無價之意取之我

等無夫汝無妻妾可止此間共相娛樂後得
善風良伴歸家諸君當知若見左面有道者
慎莫隨從時商客中有一智者言諸女所說
此不可從即進左道行數里中聞一城裏數
千萬人稱怨喚呼云何捨閻浮提就此命終
賈客前詣城下周而觀察見城鐵鑄垣墻亦

無門戶出入處所去城不遠有尸黎師樹即往
攀樹見城裏數千萬人遙問城裏人曰何為
稱喚父母兄弟耶城裏人報曰我等入海採
致寶物為風所漂又為羅刹女所枉閉在牢
城前有五百人漸漸取殺今有二百五十人
在君莫呼此女謂為是人皆是羅刹鬼耳其
人下樹以語同伴勸我還家善求方計卿等
今日意欲云何衆人荅曰卿昨夜何不重問
彼人頗有權宜方計衆人及我身得安隱歸
家不乎智人即報曰我今暮當起往更問之
須女睡眠竊起上樹問城裏人頗有方計卿
等諸人復及我身得還閻浮地不耶城裏人

曰我等生念欲還此鐵城便化數重不可敗
壞死者日次死無由得免唯卿外人少有權
宜可得度脫還至本土十五日清旦有一馬
王從鬱單曰來至此界住高山頂王自喚呼
誰欲還歸閻浮利地卿等若聞馬聲皆往禮
敬求還本鄉其人向伴具陳情狀衆人報曰
今可去不荅曰須十五日至馬王當來乃得
去耳未經數日馬王便至商客聞已往馬王
所白言我等咸欲求還本鄉願見將接馬王
告曰卿等專意聽我所說各欲歸家還本鄉
者心意專正便得歸家心不專正不得歸也
此諸婦女各抱男女追逐逐卿後啼哭喚呼其

中諸人興戀著心正使在我脊上猶不得去
若能捨恩愛正心一意無所戀著至心捉我
一毛便得歸家時諸婦女各語夫曰誠可捨
我賤身何為捐棄兒女先教兒女往抱父頸
啼哭喚呼捨我等為欲何處去心意戀著者
便不得還唯有大智師子一人安隱還歸時
羅刹婦抱其男女往逐師子告語村落師子
身者是我夫主共生男女捨我逃走不知所
趣諸人聞已問師子曰觀卿婦女體性容貞
人中英妙兒女可愍何為捨之師子報曰此
亦非人是羅刹鬼耳往海渚中殺斃商賈不
可稱數吾伴數百閉在鐵城唯我一人幸得

免濟今此鬼女復逐我後規欲害我恐不免
濟轉復前行還至本國鬼猶逐後到其國土
鬼往白王我與師子共為夫婦生此男女後
望得力非畱今日永已見捨王召師子問其
情實師子具以上事白王王告師子設卿不
用可持與我師子報曰此實非人是羅刹鬼
備有愆咎後莫見怨復語左右諸臣斯鬼至
此必有傷害王今不信欲內深宮如是不久
王及內宮盡當灰滅王復瞋恚語師子曰女
中姿容如天玉女何緣復稱為羅刹鬼耶速
出在外吾自觀之王將鬼女入宮一宿明日
食時宮門不開諸臣共議王新納妻意相貪

樂故不開耳師子說曰不如是議王及夫人
并諸嫫女必爲羅刹所食敢盡故門閉耳即
施高梯踰墻入內見死人骸骨滿數間舍諸
臣責師子曰正坐汝身將羅刹鬼殺王喪國
宮殿滅亡卿欲云何師子荅曰吾先有契後
莫見怨卿等何爲復見責數諸臣人民前白

師子王今已死更無胤嗣唯願師子當登王
位領理人民師子告曰若欲舉我爲王者當
隨我教異形同嚮咸皆稱善王告諸臣當共
集兵入海攻擊殺羅刹男女無有遺在往破
鐵城出其中人土俗常法若一人不事佛當
送山西付鬼敢之自尔已來佛法熾盛得道

無數是故說諸有信佛者如此衆生安隱得
還皆由馬王又彼國常儀國王生子若十若百
若至無數盡出作道誦習佛經三歲備舉還
復罷道登陟王位梵語不通經籍不舉則不
得陟王位也出承事勝已經
彌蓮持齋得樂踏母燒頭四

昔有五百賈人一字彌蓮是最尊老也五百
人共舩入海爲摩竭魚觸破其舩五百皆死
彌蓮騎板得活在鼻摩地爲防魚故東西行
走見一小徑入見銀城樹木參天聞有浴池
其城方正周匝渠水有四女人從城中出端
正如玉女共迎彌蓮言甚獨共勞多賀來到

貪欲相見久矣當侍仁者今是銀城是仁者
有也城中幸樂樹木叅天有渠水浴池戲觀
廬舍城中有七寶殿名曰羅縵以金銀水精琉
璃珊瑚琥珀車璫為殿我等四人當供給使
晚卧早起在所教勅便可止此不須復到他
面弥蓮即與四女人入城上七寶殿上日日
極意在此城中千有餘歲後弥蓮自念是四
女人不欲令我去行到他面何等意耶弥蓮
伺四女人盡卧竊起下殿出城前行遙見金
城樹木浴池事如前有八女人端正要說辭
皆如前弥蓮與八女人相樂極意經數千歲
後弥蓮思惟疑是八女人不欲令我更到也

面何等意耶。彌蓮伺八女盡卧寤，起前行遙見水精城樹木浴池事如前。有十六女人出城共迎，辭說如前。彌蓮即與十六女共樂極意，經數千歲。彌蓮復去，乃見琉璃城事亦如前。三十二女從城出迎，彌蓮與女共樂極意數千歲。後出城前行，遙見鐵城中了無迎者。彌蓮入城門，有鬼問之。彌蓮爲行邊城中，因見一男子字俱引，燒鐵輪走其頭上。由入諸城，坐不厭足，故使燒鐵輪走我頭上。彌蓮念羅縵殿、胥末殿、羅摩殿、汜鬱單殿，淚出言我何事入是。中耶彌蓮語灌鐵城鬼言：今燒鐵輪走我頭上，何時當脫耶。鬼報言：有人如卿來，乃

得脫耳佛言鐵輪走彌蓮頭上却後六十億
萬歲乃得脫耳彌蓮者我身是未求道時愚
癡沐浴著新衣脚踏母頭是故燒頭一日八
關齋四月心猶歡喜故得四寶城金銀水精
琉璃壽數千萬歲是故世間人至死不厭五欲
所思欲人不孝父母及師車輪踐之當知彌

蓮矣

出彌蓮經又
出福報經

優婆斯納兄妻後悔為道兄射殺弟反矢自
害五

羅閱祇國有估客兄弟二人共住一處兄求
長者女欲以為婦其女年小未任出適兄與
衆賈遠至他國經歷多年滯不時還女年尚

大而語其弟卿兄遠行沒彼不還汝今宜可
娶我女其弟荅言何有是事長者數說其弟
意堅未曾迴轉長者詐作遠書託諸賈客說
兄死亡復告之曰卿兄已死汝當云何弟娶
其女經歷數時女已懷妊兄從遠還弟心懷
懼逃至舍衛如是展轉到於佛前求索出家
佛即聽許便成沙門名優婆斯奉持律行得
阿羅漢兄知忿恨欲殺之至舍衛國即出重
募賞金五百兩應募者相將俱進見弟坐禪
欸生慈念云何殺此比丘吾設不殺當奪我
金欲射比丘乃中其兄其兄懷恚憤惱而終
受毒蛇形生此道人戶樞之中戶數開閉擻

身而死遂願更作小形毒虫依道人房從屋
下墮比丘頂上惡毒猛熾即便命終告舍利
弗乃往過去有辟支佛出現於世處在山林
時有獵師恒捕禽獸施設方計望伺苟得疑
辟支佛驚其禽獸伺捕不得便懷瞋恚以毒
箭射辟支佛時辟支佛心愍此人欲令改悔
為現神足於時獵師心懷敬仰恐怖自憤歸
誠詞謝過時辟支佛受其懺悔毒攻而死其人
命終便墮地獄既出地獄五百世中常被毒
死至于今日得羅漢道猶為毒虫所螫而死

出賢愚經

第十卷

薩薄燃臂濟諸賈客六

昔閻浮提五百賈客共行曠野經由嶮路大山孔中極爲黑闇時諸商人迷悶愁憂恐失財物此處多賊而復怖畏咸共同心向于天地日月山海一切神祇啼哭求哀時薩薄愍諸商客告言莫怖吾當爲汝作大明照是時薩薄即以白氎自纏兩臂蘇油灌之燃用當炬將諸商人經於七日乃越此闇時諸賈客感戴其恩慈敬無量各獲安隱喜不自勝時薩薄我身是諸賈客者今五百比丘是

出賢愚經第六卷

昔有薩薄聞於外國更有異寶欲往治生而二國中間有羅刹難不可得過薩薄遊行見

市西門有一道人空床上坐云賣五戒薩薄
問言五戒云何荅曰無形直口受心持後得
生天現世能却羅刹鬼難薩薄欲買問索幾
錢荅金錢一千即就受與受五戒竟語言卿
向外國到界畔上羅刹若來卿但語言我是
釋迦五戒弟子薩薄少時到二國中間見羅
刹身長一丈三尺頭黃如穰眼如赤丁舉體
鱗甲更互開口如魚鼓鰓仰接飛鷲踏地沒
膝口熱血流羣衆數千直捉薩薄薩薄語言
我是釋迦五戒弟子羅刹聞此永不肯放薩
薄即以兩拳扱之拳入鱗甲扱不得出又以
脚蹋頭撞扱復不出五體沒鱗甲中唯背得

動羅刹謂言

汝身及手足

一時悉被羈

但當去就死

跳踉復何為

薩薄志意猶固語羅刹曰

我身及手足

一時雖被繫

攝心如金石

終不為汝斃

羅刹又語薩薄曰

吾是鬼中王

為人多力脅

從來食汝輩

不可得稱數

但當去就死

何為自寬語

薩薄冒欲怒罵自念此身輪迴三界未曾乞

人我今當以乞此羅刹作一頓飽即曰

我此腥臊身

久欲相去離

羅刹得我便

悉持以布施 志求摩訶乘 果成一切智

羅刹聰明解薩薄語便生愧心放薩薄去長

跪合掌向其謝曰

君是度人師 三界之希有 志求摩訶乘

成佛當不久 是故自歸命 頭面禮稽首

羅刹悔過竟送薩薄至外國大得珍寶又送

還家大修功德遂成道跡出雜譬喻經典前

兩存之

商人共鵠生子子皆得道八

畜生及人一切四生問曰云何知人中有卵

生答曰如所說閻浮利地多有商人入海採

寶得二鵠隨意所化失一一在與共遊戲寢

卧一室共彼合會遂生二卵卵漸温熟便生
二童後大出家學道得阿羅漢果一名尸婆
羅二名優鉢尸婆羅問曰云何知人中有濕
生荅曰如經所說有頂生王尊者遮羅尊者
優婆遮羅梨女問曰云何知人中有化生荅
曰劫初人是也已得聖法者不復卵生濕生

問曰何故不復卵生濕生耶荅曰卵生濕生

畜生趣所攝

出鞞婆沙經
第十四卷

衆賈飢渴天人指間降八味水丸

昔有導師與五百賈人共行作賈到大曠野
絕無水漿飢渴困極四方求索登高遠望見
有樹木謂當有水俱共馳往至見樹下周而

生草其地清潔咸共穿鑿時有天人遙見導
師如伸臂頃來到其所住于樹上伸其右手
從五指間流出八味甘美之水而無窮盡皆
得飽滿

出十卷譬喻
經第三卷

商人馯牛以贖龍女得金奉親十

佛住舍衛城南有大林邑商人馯八牛到北
方俱叟國復有商人共在澤中放牛時離車
捕得一龍女穿鼻牽行商人見之即起慈心
問離車言汝牽此欲作何等答言我欲殺敢
商人言勿殺我與汝一牛賀取放之捕者不
肯乃至八牛方言今為汝故我當放之即取
八牛放去龍女時商人復念此是惡人恐復

追逐更還捕取即自隨逐看其所向到一池
邊龍變爲人身語商人言天施我命今欲報
恩可共我入宮當報天恩商人荅言汝等龍
性卒暴瞋恚無常或能殺我荅言前人繫我
力能殺彼但以受布薩汝故都無殺心何況
天今施我壽命而當加害小住此中我先入
摒擋是龍門邊見二龍繫在一處問言汝爲
何事荅言此龍女半月中日受齋法我兄
弟守護此龍女不堅固爲離車所得以是故
被繫唯願天慈語令放我此龍女若問欲食
何等食者當索閻浮提人間食龍女摒擋已
便即呼入坐寶床蓐上龍女白言天今欲食

何等食。荅言欲須閻浮提人間食。即下種種食。問龍女言此人何故被繫。龍女言此有過。我欲殺之。商人言汝莫殺。不尔要當殺之。商人言汝放彼者。我當食耳。白言不得直尔放之。當罰六月。擯置人間。商人問言汝有如是莊嚴。用受布薩。爲荅言我龍法有五事。苦何等。五生時。龍眠時。龍媵時。龍瞑時。龍一日之半。三過皮肉落地。熱沙博身。復問汝欲求何等。荅我欲求人道中生。問我已得人身。應求何等。荅言出家難得。又問當就誰出家。荅言如來應供。正遍知。今在舍衛城。未脫者。脫汝可就出家。便言我欲還歸。龍女即與八餅金。

語言此是龍金足汝父母眷屬終身用不盡
語言汝合眼即以神變持著本國行伴先至
語其家言入龍宮去父母謂兒已死眷屬宗
親聚在一處悲號啼哭時放牧者及取薪草
人見已先還語其家言某甲來歸家人聞已
即大歡喜出迎入家已為作生會作生會時

以八餅金持與父母此是龍金截已更生盡
壽用之不可盡也

出僧祇律第三十卷

估客為羅刹所縛十一

有一估客主將諸賈人入嶮難處遇羅刹鬼以
手遮之言汝任莫動不聽汝去賈客主即以
右拳擊之拳即著鬼挽不可離復以左拳擊

之亦不可離以右足蹴之亦復如是以頭衝
之頭即復著鬼言汝今如是欲作何等心休
息未答言雖復五事被繫心終不息當以精
進力與汝相擊鬼時念此人膽力極大即日
汝精進力大必不休息今放汝去

出大智論
卷第十六

賈客採寶救將死人十二

有賈客主名為吉利入海取大珍寶安隱而
出凡有八十億摩尼珠一一皆直百億兩金
以多寶物與一乞人不入其家復還至海採
取珍寶入海之後倍得寶物經八十歲還到
本國欲入城時見犯罪人殺者執縛打惡聲
鼓街巷唱令將至殺處加以刑戮時應死者

逢見吉利作是言賈客王救我死罪施我壽命是大檀越賢善好人吉利聞已語應死者咄人我今施汝無畏救汝死罪即至殺者所人人皆與一摩尼珠價直一億兩金汝今小住待我今者至王邊還尔時吉利疾至王所白言大王我欲以好珍寶買此人命王荅吉利是人罪不可恕不可得買若必欲買汝所有物盡以與我并自代死乃可得脫吉利歡喜我得大利得滿所願能救此人得稱我意即以居家所有財物及於大海所得珍寶無量千億金銀寶物皆送與王白大王言可放此人我所有物盡現在此語殺者言將吉利殺

即縛吉利將至殺處右手舉刀欲斫吉利手
直不下驚怪恐怖即以告王自看王聞此語即
自執刀欲殺吉利舉刀兩手落地得大畏惱
發聲而死時吉利即我身是時王者調達是

出菩薩經
藏第十卷

二賈客採寶貪者沒命廉者安全十三

昔無數阿僧祇劫前有兩部賈客各五百人
在波羅捺撰合資財嚴船度海解繫張帆乘
風徑往即至寶渚上妙姝女無物不有一部
賈客主曰我等以資財故勤苦至此當住自
娛第二薩薄言此間雖饒衆寶不當久住時
有天女慈愍此輩便於空中語衆賈人曰此

間雖樂不足久住却後七日此地當沒語訖
化去復有魔女欲使賈客於此沒盡空中告
曰卿等不須嚴駕還去此地無水設當有水
此之衆寶衆女五樂何由而有前天所說皆
是虛妄說已化去第一薩薄勅其部衆卿等
勿去莫信前天第二薩薄還告其衆卿莫貪
樂速裝治船前天所說至誠不虛水不至者
於此自娛然後徐歸若水審來治嚴已去佛
語舍利弗却後七日如前天言水滿地沒第
二薩薄將其部衆即得上船第一薩薄先不
治嚴水至之日便著鎧仗共相格戰第二薩
薄於船上以攢竿鉞第一薩薄脚徹過即便

命終佛告舍利弗汝知第一薩薄者不則提
婆達兜是第二薩薄者則我身是時第一賈
客衆五百人者則今提婆達兜五百弟子是
時第二賈客五百衆者則今五百羅漢是第
一天女則舍利弗是時第二天女則今名滿
月比丘婆羅門弟子是

出興起行
經上卷

賈人害侶獨取珍寶大哀殺此凶人十四

定光佛時有五百賈人入海求寶有異心者
念言我今悉害賈人獨取珍寶時閻浮提有
大導師名曰大哀時寐夢中海神語之賈衆
之中有一賊欲殺五百伴獨取寶物假令事
遂墜地獄中今仁導師當行權變令賈人不

死賊不獲罪導師思惟七日無餘方便唯當
殺此凶人耳衆者必皆興怒當共殺之俱墮
惡趣設我獨殺我當受罪吾寧自忍百千劫
苦不令賈人普被危害復令一賊墜地獄中
先爲說法令心欣然踊躍卧寐佛言大哀導
師猶衆賈人興于大哀以權方便害此一賊
命終之後生第十二光音天上時大哀者則
吾身也以斯方便超千劫生死同船五百賈
人斯賢劫中五百佛興者是

出慧上菩薩經下卷

五百賈人值摩竭魚稱佛獲免十五
昔有五百賈客乘船入海值摩竭魚出頭張
口欲食衆生時日少風而船去如箭薩薄主

語衆人言船去太疾可捨帆如言捨下船去
轉駛不可止薩薄主問樓上人言汝見何等
我見上有兩日出下有白山中有黑山薩薄
主驚言此是大魚當柰何哉我與汝等今遭
困厄入此魚腹無有活理汝等各隨所事一
心求之於是衆人各隨所奉一心歸命求脫
此厄所求愈篤船去愈疾須臾不止當入魚
口於是薩薄主告諸人言我有大神号名爲
佛汝等各捨本所奉神一心稱之時五百人
俱發大聲稱南無佛魚聞佛名自思惟言今
日世間乃復有佛我當何忍傷害衆生即便
合口水皆倒流轉得遠魚五百賈人善心即

生皆得解脫

出雜譬喻經第六卷

賈人友逼飲酒犯戒父母擯出遠國尚爲鬼所畏十六

有一縣人皆奉行五戒十善縣界無釀酒者有大姓家子欲遠賈販臨途父母語曰汝勤持五戒奉行十善慎莫飲酒犯佛重戒行到他國見故同學歡喜歸家出蒲萄酒欲共飲之辭曰吾國奉佛戒無敢犯者且辭親近父母又誡別久會同心雖喜悅不宜使吾犯戒違親教也主人言吾與卿同師恩則兄弟吾親則是子親父母相飲豈可違之若吾在卿家必從子親事不獲已乃從飲之事訖還家

具首於親父母報言汝違吾教加復犯戒亂
法之漸非孝子也無得說之便以所得物逐
令出國子以犯戒爲親所駘乃到他國住客
舍家主人事二鬼神能作人形對面飲食與
人語言事之積年居財空盡而家疾患死喪
不絕私共論之鬼知人意鬼共議言此人財
產空訖正爲吾等未曾有益今相馱患宜求
珍寶以施與之便行盜他國王庫藏好寶積
置園中報言汝事吾歷年勤苦甚久今欲福
汝使得饒富主人言受大神恩鬼曰汝園中
有金銀可往取之主人欣然入園見物負輦
歸舍辭謝受恩明日欲設飯食願屈顧下施

設皆辦鬼神詣門見舍衛國人在主人舍便
奔走而去主人追呼既已顧下委去何爲神
曰卿合尊客吾焉得前重復驚走主人思惟
吾舍之中無有異人正有此人耳即出言語
恭設已竟因問之曰卿有何功德吾所事神
畏子而走客具說佛功德五戒十善實犯酒
戒爲親所逐尚餘四戒故爲天神所護卿神
不敢當之主人語言吾欲奉持五戒因從客受
三自歸五戒一心精進不敢懈怠問佛在處
可得見不客曰在舍衛國給孤獨園主人一
心到彼經歷一亭中有一女正是敢人鬼婦
行路迥遠時日逼暮從女寄宿女即報言慎

勿留此宜急前去。男子問曰：用何等故將有意乎？女人報言：吾已語卿，用復問爲男子自念前舍衛國人完佛四戒，我神尚爲畏之。我已受三歸五戒，心不懈怠，何畏懼乎？即自留宿時，敢人鬼見護戒神去，亭四十里一宿不歸。明日進見鬼所，敢人骨體狼藉，心怖而悔。退自思：惟我在本國衣食足用，空爲此人所化。言佛在舍衛國未覩竒妙，乃見骸骨縱橫，不如攜此女人將歸本土，共居如故。即時迴還，因從女人復求留宿。女人謂男子何復還？耶荅曰：行計不成，故迴還耳。復寄一宿，女言：卿死矣。吾夫是敢人鬼，方來不久，卿急去。此男子

不信遂止不去更迷惑姪意復生不信佛三
歸五戒天神即去鬼得來還女人恐鬼食此
男子藏之瓮中鬼聞人氣謂婦言尔得肉耶
吾欲取之婦言我不行何從得肉婦問鬼卿
昨何以不歸鬼言坐汝所爲而舍宿尊客今
吾被逐瓮中男子踰益恐怖不復識三自歸
婦言何以不得肉乎鬼言正爲汝舍佛弟子
天神逐我出四十里外露宿震怖于今不安
故不得肉婦因問夫佛戒云何鬼言我大飢
極急以肉來不須問此此是無上正眞之戒
非吾所敢說也婦言爲說之我當與卿肉鬼
類貪殘食欲食無止迫婦問之因便爲說三

歸五戒鬼初說一戒時婦輒受之至第五戒
心執口誦男子於甕中識五戒隨受之天帝
釋知此二人心自歸佛即遣善神五十人擁
護兩人鬼遂走去到明日婦問男子怖乎荅
曰大怖蒙仁者恩心悟識佛婦言男子昨何
以迴還荅曰吾見新久死人骸骨縱橫恐畏
故還耳婦言骨是吾所棄者也吾本良家之
女爲鬼所略取吾作妻悲窮無計今蒙仁恩
得聞佛戒離於此鬼又言曰賢者欲到何所
男子報言吾欲到舍衛國見佛婦曰善哉吾
隨賢者見佛便俱前行逢四百九十八人因
相問訊諸賢者從何所來欲到何所荅曰吾

等從佛所來問言卿等已得見佛何爲復去
報言佛口說經意中惘惘故尚不解今還本
國兩賢者具說本末以鬼畏戒高行之人意
乃開解俱還見佛佛遙見之則笑口中五色
光出阿難長跪佛不妄笑將有所說佛語阿
難汝見是四百九十八人還不此諸人等今
得其本師來見佛者皆當得道時五百人來
至佛所一心聽經心開意解皆作沙門得阿
羅漢道然此二人是四百九十八人前世之
師也求道要當得其本師及其善友亦乃解

耳出戒消
災經

經律異相卷第四十三

啓

鵠胡谷反 儐必分反 掬上音水 匿上音王 竦上音然

勇炳然上音然 稟悲品反 情態下他代 美力上饌反尼下 時反扇

裝賀下唐 迸必孟反 鐵注下音鑄 垣上音墻 灑反苗反

反海渚下音規均彌反 愆上去咎反音梯反他兮

胤鎮上余 經藉下亦也 參上音天 廬上音舍 羅

漫下莫反 脣先節反 汜似音反 憤上音惱 戶反樞

下尺反擻上音身 整呼各穰而羊反 鯁反息來 拳反叔

上音權下 羈居宜反 跳二音踉條良音 棍昆音斃反毗祭

力下音膺 冒莫報反 腥上音臊 穿昨音鑿 哆

國上丁反 餅音金 牧音蹴之六上音 形下音戮 咄

反骨選合軟反息鎧杖改反口 格上音戰 積反古牟 銛

反	展	負	上	侯	上
兒	完	反	巨	反	麗
官	二	愈	篤	下	筭
反	同	主	上	麗	反
	惠	反	於	官	中
瓮	釀	酒	達	反	莫
反	於	諒	瓊	侯	下
	貢	反	尼	反	丁
惘	具	首	寐	反	密
同	又	下	二		
	反	詩	死		
	負	捷	字		
	力	下	權		
			變		

